

Իրանահայ համայնք

ՏՐԱՄՔԻՆ ԻՐՈՂ ՈՒԺԵՐ ԶԱԽԱԳՐԳՎԱԾ ԵՆ ԹՈՎԱԳՆԵԼՈՒ ԲԱԳՎԱՊԱՐԿԱ ԻՐԱՆԱՀԱՅ ԿԱՄԱՅՆՔՐԸ

30 August, 2010 Իրանահայեր Լրատու ցանց



2010թ. օգոստոսի 1-ին, Թեհրանի ՀՄՄ «Բաֆֆի» համալիրում կայացավ հերթական 15-րդ Ընդհանուր ժողովը, որի ավարտին կայացավ նոր վարչական ընտրություններ: Հետայնու ընթացիկ օգոստոսի 8-ին, Ընդհանուր ժողովի նախագահության հրավերով, կայացավ նորընտիր Վարչության անդրանիկ նիստը, որի ընթացքում կատարվեց դիվանի ընտրություն և պատասխանատվությունների բաժանում ըստ հետևյալի.

- 1-պրն. Վարդան Բաբայանյան՝ Նախագահ
- 2-պրն. Վիգեն Մանդանի՝ Փոխնախագահ, Երեցների և Սկսուտական բաժանմունքների պատասխատու – կապ
- 3-տկն. Քաթրին Խուդադովյան՝ Քարտուղարության և Սկսուտական բաժանմունքների պատասխանատու – կապ
- 4-պրն. Նորիկ Ղարիբյան՝ Նյութականի պատասխանատու, Տուտբոլի հանձնախմբի կապ
- 5-տկն. Վալոբիկ Ամիրյան՝ Մշակութային բաժանմունքի պատասխանատու – կապ
- 6-պրն. Ժորես Դիլանյան՝ Մարզական բաժանմունքի պատասխանատու – կապ
- 7-տկն. Վիդեո Մուրադյան՝ Կանանց բաժանմունքի պատասխանատու – կապ:

Այս մասին տեղեկացնում է ՀՄՄ «Բաֆֆի» համալիրի Վարչությունը:

Մեր տղաները Սրբազան Լեռան գագաթին



2010թ. հուլիսի 17-ին 7-ը իրանահայ տղաներ վաստակավոր լեռնագնաց Արա Ոսկանյանի գլխավորությամբ և Էդիկ Անդրեասյանի համադրումով և պատասխանատվությամբ նվաճեցին մեր Կարոտի լեռը՝ Արարատը և հայոց եռագույնը ծածանեցին նրա ձյունածածկ գագաթին: Կեցցեք տղաներ...

«Արարա» շաբաթաթերթ

Արտաքին որոշ ուժեր շահագրգռված են թուլացնելու բազմադարյա իրանահայ համայնքը




Իրանահայ համայնքը, որպես Իրանի ազգային փոքրամասնություն, Իրանում մեծ հարգանք է վայելում, Իրանի մյուս քաղաքացիների հետ հավասար մասնակցել է երկրի պաշտպանությանը և համաձայն Իրանի սահմանադրության՝ իրանահայերն առանձնահատուկ տեղ են զբաղեցնում երկրում:

Այդ մասին հայտնում է իրանական «աթինյուզ.քոմ» կայքը: Համաձայն տեղեկատվության օտարերկրյա որոշ ուժեր շահագրգռված են թուլացնելու բազմադարյա իրանահայ համայնքը: Մասնավորապես՝ Իրանում Ավստրիայի դեսպանությունը, համագործակցելով հրեական մի կազմակերպության հետ, իրանահայերին հեշտացված կարգով տրամադրում է մուտքի արտոնագիր, և 3000 դոլար՝ Ավստրիայում ժամանակավոր կեցություն ապահովելու նպատակով: Որոշ ժամանակ Ավստրիայում ապրելուց հետո իրանահայերը մեկնում են ԱՄՆ: Ենթ, որ իրանահայերն Իրանի Մեջլիսում ներկայացված են երկու պատգամավորներով, իսկ Հայ առաքելական եկեղեցին գործում է Թավրիզի, Թեհրանի և Սպահանի ազգային առաջնորդարաններով:

ՆԱԿԱՍՏԱՆԸ

ԼՂՀ նախագահը շնորհավորական ուղերձ է հղել Արցախի Հանրապետության օրվա առթիվ



ՍՏԵՓԱՆԱԿԵՐՏ, 2 ՍԵՊՏԵՄԲԵՐԻ, ԱՐՄԵՆՊՐԵՍ: Լեռնային Ղարաբաղի Հանրապետության նախագահ Բակո Սահակյանն այսօր շնորհավորական ուղերձ է հղել Արցախի Հանրապետության օրվա առթիվ: Ինչպես «Արմենայրես»-ին հայտնեցին ԼՂՀ նախագահի աշխատակազմի տեղեկատվության գլխավոր վարչությունից, ուղերձում ասված է. «Միրելի հայրենակիցներ, Ի սրտե շնորհավորում եմ ձեզ մեր պետական տոնի՝ Արցախի Հանրապետության օրվա առթիվ: Այս տոնը

թանկ ու հիշարժան է բոլոր արցախցիների համար, որովհետև յուրաքանչյուրն իր անձնական ավանդն ունի մեր անկախ պետականության կայացման ու զարգացման գործում: Իհարկե, մենք դեռևս շատ անելիքներ ունենք թե արտաքին քաղաքական, եւ թե սոցիալ-տնտեսական դաշտում:

Բայց մի բան հստակ է ու անփոփոխ. Արցախի ժողովուրդն ու իշխանությունները հաստատական են ու անսասան ազգային նպատակների իրականացման մեջ եւ կանեն հնարավորը Արցախի Հանրապետության պայծառ ու լուսավոր ապագայի կերտման համար: Հայրենիքը միշտ վառ է պահում իր զավակների հիշատակը, ովքեր սեփական կյանքն են զոհաբերել հանուն ազատ ու անկախ Արցախի:

Հավե՛րժ փառք ու պատիվ մեր նահատակներին: Մեպտեմբերի 2-ը տոն է նաև մեր հայրենակիցների համար՝ Հայաստանում եւ Սփյուռքում, ում միացյալ ջանքերով այսօր կանգուն է հայոց հինավուրց Արցախը եւ շարունակում է ծաղկել ու բարգավաճել: Թանկագին հայրենակիցներ, կրկին շնորհավորում եմ բոլորիս այս կարեւորագույն տոնի առթիվ եւ մաղթում խաղաղություն, քաջառողջություն ու ամենայն բարիք»:

ԱՂՐԲԵՋԱՆԻ ԸՆՆԱԾ ԱՂՍՈՒԿԸ ԸՆՏ ԻՐԵՆ ԴՐԵՑ ՈՉ ԶԱՐԵԿԱՆ ՎԻՃԱԿՈՒՄ



ՀՀ ԱԳՆ. Հայաստանն աշխատել է միջազգային հանրությանը իրազեկել աղբյուրային բանաձեռի սպակառուցողական էություն մասին

ԱՂԱՎԵՆԻ ՀԱՐՈՒԹՅՈՒՆՅԱՆ - Ազգ

ՄԱԿ-ի Գլխավոր ասամբլեայում վերջին իրադարձությունները՝ կապված Աղբյուրային բանաձեռային նոր նախաձեռնության ու դրա ճակատագրի հետ, հիմնական թեման են ինչպես քննարկության, այնպես էլ ինքնագոհության համար: Որոշ պարզաբանումներ «Ազգ»-ին տրամադրել է Հայաստանի փոխարտգործնախարար Արման Կիրակոսյանը:

- Պրն Կիրակոսյան, ՄԱԿ-ի Գլխավոր ասամբլեայի վերջին նստաշրջանում Աղբյուրային նախաձեռնած հերթական բանաձեռի նախագիծը հանվեց քննարկումից՝ թողնվելով հաջորդ նստաշրջանին: Ինչպե՛ս կնկնարկանիք նման քայլը, երբ բանաձեռի նախագծի քննարկման հետաձգումը ներկայացվում է որպես ԵԱՀԿ համանախագահող երկրների ճնշման արդյունք:

- Նախ՝ պետք է հստակություն մտցնել այս հարցադրման մեջ: Խոսքն այստեղ ոչ թե բանաձեռի նախագծի քննարկումը ՄԱԿ-ի Գլխավոր ասամբլեայի հաջորդ նստաշրջան տեղափոխելու մասին է, այլ՝ քննարկումից ընդհանրապես հանելու: Խոսքը ոչ թե բանաձեռի, այլ օրակարգի կետի 65-րդ նստաշրջանի օրակարգում ընդգրկելու մասին է: ՄԱԿ-ում բանաձեռի նախագծի հետաձգում մեկ այլ նստաշրջանի հնարավոր չէ: Տվյալ նախագիծը քվեարկության չդրվելու

պարագայում՝ համապատասխան նստաշրջանի ավարտից հետո այլևս դադարում է գոյություն ունենալ:

ԵԱՀԿ Մինսկի խմբի համանախագահող երկրները, ինչպես նաև միջազգային հանրության գերակշիռ մասը դեմ են արտահայտվել ԼՂ հակամարտության կարգավորման ներկայիս ձեռնարկի փոփոխմանն ուղղված որևէ քայլի եւ միանշանակ սատարել են ԵԱՀԿ Մինսկի խմբի համանախագահների ջանքերին: Բնականաբար, Աղբյուրային նման սպակառուցողական կեցվածքը, աջակցություն չտանելով անդամ երկրների կողմից, բացասաբար պիտի անդրադառնար վերջինիս հեղինակության վրա, այն ոչ միայն թույլ չէր տա Բաքվին ինչ-որ դիվիդենտներ ստանալ, այլև՝ հակառակը: Դա էլ հիմնականում պատճառ դարձավ Աղբյուրային կողմից բանաձեռ քվեարկության չներկայացնելու համար:

- Արդյոք այդ նախագծի գոյությունը հաջորդ նստաշրջանի օրակարգում չի՞ կարող օգտագործվել որպես ճնշման լծակ Հայաստանի նկատմամբ:

- Ինչպես բազմիցս նշվել է, ՄԱԿ-ի Գլխավոր ասամբլեայի բանաձեռերը խորհրդատվական բնույթ են կրում: Ավելին, մի բանաձեռ, որը ՄԱԿ-ի անդամ երկրների գերազանցող մեծամասնության աջակցությունը չի վայելում, չի կարող որևէ ազդեցություն ունենալ, առավել եւս՝ լծակ լինել: Այնուհանդերձ, Հայաստանը մշտապես շեշտել է, որ զանազան միակողմանի փաստաթղթերի առաջադրումը տարբեր առյուծներում, եւ ՄԱԿ-ը բացառություն չէ, որտեղ հաշվի չեն առնվում Լեռնային Ղարաբաղի ինքնորոշման իրավունքը եւ ազատ սեփական կյանքը տնօրինելու ցանկությունը, միայն բացասաբար է անդրադառնում բանակցային գործընթացի վրա՝ ստեղծելով անհարկի խոչընդոտներ ու ձգձգումներ: Դրա մասին է խոսում նաև անցյալի փորձը: Այս տեսակետից եւս որևէ նման թերարժեք փաստաթուղթ չի կարող դառնալ ճնշման լծակ ոչ Հայաստանի, ոչ ԵԱՀԿ Մինսկի խմբի բանակցային գործընթացի, ոչ էլ Լեռնային Ղարաբաղի վրա:

- Հնչում են տարբեր մեկնաբանություններ եւ գնահատականներ, թե ՄԱԿ-ում նման իրավիճակը Հայաստանի արտաքին քաղաքականության պարտվողականության արդյունք է: Միեւնույն ժամանակ, անգամ այս բանաձեռի նախագիծը քվեարկության դրվելու դեպքում, անկասկած էր, որ կընդունվի: Ինչպե՛ս է Հայաստանը փորձում շտկել իրավիճակը:

- Կարծում եմ, սխալ է ՄԱԿ-ի Գլխավոր ասամբլեայում ինչ-որ նախագծի անցնել-չանցնելը կապել արտաքին քաղաքական հաջողության կամ անհաջողության հետ: Նախ, ցանկացած երկիր իրավունք ունի բանաձեռի նախագիծ ներկայացնել: Այլ խնդիր է, թե նշյալ նախաձեռնությունը որքանով է սատարվում մյուս պետությունների կողմից, եւ որքանով է այն առաջ մղում միջազգային գործընթացները: Յավոք, լինում են նաև ձեռնարկ բնույթի նախագծեր, որոնք ավելի շատ նպատակ ունեն ինչ-ինչ քվեներ շահելու, բայց որոնց օգտակարությունը խիստ կասկածելի է: Պարզապես գործող ընթացակարգերի արդյունքում դրանք կարող են ընդունվել, փաստացիորեն մնալով թղթի վրա: Նույն ՄԱԿ-ում տարբեր երկրների դեմ տարբեր ժամանակներում բանաձեռներ են ընդունվել, սակայն դրանով նշված պետությունների վարկանիշն ամենեւին չի նվազել, իսկ արտաքին քաղաքականությունը վնաս չի կրել: Արտաքին քաղաքական հաջողությունները, կարծում եմ, պետք է գնահատել արդյունքով, այլ ոչ թե աղմկահարությամբ: Եվ կոնկրետ այս դեպքում ճիշտ հակառակն էր. աղբյուրայինների համաձայն աղմուկի պարագայում հենց իրենք էին հայտնվել ոչ շահեկան վիճակում:

- Ի՞նչ է արվել Հայաստանի ԱԳ նախարարության կողմից բանաձեռի հնարավոր բացասական ազդեցությունը կանխելու համար:

- Հնարավոր բացասական ազդեցությանն արդեն նախորդ հարցի ժամանակ անդրադարձ արվեց: Ինչ վերաբերում է գործարքած ջանքերին, ապա հանրապետության նախագահը, արտգործնախարարը եւ նախարարությունը

անհրաժեշտ աշխատանք են իրականացրել միջազգային հանրությունը ադրբեջանական այդ քայլի ապակառուցողական էությունն մասին իրազեկելու ուղղությամբ: Դրա արդյունքում է, որ այդ բանաձևի նախագիծը հանվել է քննարկումից: Մի քանի օրերի ընթացքում մեր դիվանագիտական ներկայացուցչությունները 600-ից ավելի հանդիպումներ են ունեցել այլ երկրների ներկայացուցիչների հետ, արտգործնախարարը հարյուրավոր հեռախոսազրույցներ է ունեցել իր գործընկերների հետ, 200-ից ավելի նամակներ է ուղարկել իր գործընկերներին, միջազգային կառույցների ղեկավարներին: Այսինքն՝ բոլոր հնարավոր ջանքերը գործադրվել են բանակցային գործընթացը անխաթար պահելու համար:

ՄԻԱԿ ԼՈՒԾՈՒՄԸ ԱՐՑԱՒԻ ԱՆԿԱՆՈՒԹՅԱՆ ՄԻՋԱԶԳԱՅԻՆ ՀԱՆԱԶՈՒՄ Է

Լեռնային Ղարաբաղի խնդրի խաղաղ կարգավորումը կարող է ունենալ միայն մեկ լուծում, եւ այդ լուծումը Արցախի միջազգայնորեն ճանաչված անկախությունն է: Լեռնային Ղարաբաղի Հանրապետության անկախության տոնի կապակցությամբ իր շնորհավորական ուղերձում այսպիսի հայտարարություն է արել Հայաստանի նախագահ Սերժ Սարգսյանը:

Ըստ պաշտոնական հաղորդագրության նախագահը, շնորհավորելով Արցախին տոնի առիթով, նշել է, որ Արցախի անկախությունը հայոց նորագույն պատմության ամենավառ էջերից է, մեր ժողովրդի մեծագույն ձեռքբերումը: «Մեր ողջ ժողովրդի պայքարով կերտած քաղաքական ազատությունն այսօր իրողությունն է: Ավելին, Լեռնային Ղարաբաղն իր պետական կուռ կառույցով ու պաշտպանության բանակով լուրջ գործոն է տարածաշրջանում», ասել է Հայաստանի նախագահը:

Արցախի ներքին կայունությունը, արցախահայության միակամ ու վճռական կեցվածքը, երկրամասի համակողմանի զարգացումը որեւէ իրատես մարդու մեջ, ըստ Սարգսյանի, կասկած չեն հարուցում նրա ազատ ու բարգավաճ ապագայի վերաբերյալ:

«Լեռնային Ղարաբաղի խնդրի խաղաղ կարգավորումը կարող է ունենալ միայն մեկ լուծում, եւ այդ լուծումը Արցախի միջազգայնորեն ճանաչված անկախությունն է: Ինչ վերաբերում է խնդրի լուծման ռազմական ճանապարհին, ապա այդ ուղին, սիրելի՛ արցախցիներ, մենք ձեզ հետ արդեն անցել ենք, եւ այդ տարբերակի արդյունքները բոլորի աչքի առաջ են», նշել է Սերժ Սարգսյանն իր ուղերձում:

«ԵՔԵ ՄԵՋ ՊԱՏԵՐԱԶՄ ՊԱՐՏԱԴՐԵՆ՝ ՊԱՏՐԱՍ ԵՆՔ ՊԱՇՏՊԱՆՆԵԼ ՄԵՐ ԵՐԿԻՐԸ»

«Եվրոպայի ժողովրդավարական երիտասարդական համայնք» կազմակերպությունը միավորում է 60 երկրի կուսակցությունների երիտասարդական թեւերը: Կազմակերպությանն անդամակցում է նաեւ ՀՀԿ-ի երիտասարդական թեւը: Այս կազմակերպության 11 երկրի 18 ներկայացուցիչ հետ հանդիպմանը Հայաստանի Ազգային ժողովի նախագահ Յովիկ Աբրահամյանը, ի թիվս այլ թեմաների, խոսել է նաեւ Լեռնային Ղարաբաղի հակամարտության մասին: Նա նշել է, որ խնդիրը պետք է լուծվի ԵԱՀԿ Մինսկի խմբի շրջանակներում, խաղաղ ճանապարհով. «Մինչդեռ Ադրբեջանը շարունակում է ռազմատենչ հայտարարություններ անել: Մենք պատերազմ չենք ուզում, բայց եթե Ադրբեջանի իշխանությունները մեզ պատերազմ պարտադրեն, պատրաստ ենք պաշտպանել մեր երկիրն ու ժողովրդին եւ ԼՂ պետությունը», ասել է նա:

Ռուսաստանը Հայաստանին ապահովելու է ռազմական ժամանակակից տեխնիկայով. Նալբանդյան



Ռուսաստանը Հայաստանին ապահովելու է ռազմական ժամանակակից տեխնիկայով: Այդ մասին այսօր հայտարարել է ՀՀ ԱԳ նախարար Էդվարդ Նալբանդյանը Ռոսսիա-24 հեռուստաալիքին տված հարցազրույցում: Պատասխանելով լրագրողի հարցին, Նալբանդյանն ասել է, որ ՌԴ նախագահ Ղալիտոլի Մեդվեդևի՝ Հայաստան կատարելիք այցի ընթացքում նախատեսվում է ստորագրել Հայաստանում ռուսական ռազմաբազայի գործունեության երկարաձգման մասին համաձայնագիր: Նալբանդյանի խոսքով, եթե մինչ այդ համաձայնագիրը ռուսական ռազմաբազան գործել է 25 տարի, ապա այժմ այն գործելու է 49 տարի՝ սկսած 1995-ից: «Ավելի հստակ ձևակերպում է նշվելու այն մասին, որ ռուսական ռազմական բազան Հայաստանի զինված ուժերի հետ համատեղ և Ռուսաստանի շահերը հաշվի առնելով պաշտպանելու է Հայաստանի անվտանգությունը: Եվ այդ նպատակների իրականացման համար ռուսական կողմը օժանդակելու է՝ Հայաստանի Հանրապետությանը ապահովելով ռազմական ժամանակակից տեխնիկայով», -մանրամասնել է նախարար Նալբանդյանը: Նկատենք, որ 102-րդ ռուսական ռազմական բազան Հայաստանի Գյումրի քաղաքում է գտնվում 1995 թվականից:

ԱԼԻԵՎՆ ԱՂՐԵԶԱՆԱՐԱՅ ՓԱԽՍԱԿԱՆՆԵՐԻՆ ՊԱՐՏՔ Է 200 ՄԼՂ ԴՈՒՄ

Ադրբեջանահայերի ասամբլեայի նախագահ Գրիգորի Այվազյանը ՄԱԿ-ի փախստականների գրասենյակ հայց է ներկայացրել՝ պահանջելով Բաքվի կենտրոնում գտնվող իր բնակարանը վերադարձնել իրեն, իր կյանքի ու անվտանգության երաշխիքներ տալ, որպեսզի ինքն ապրի Բաքվում:

Այվազյանը միակը չէ, որ ցանկանում է վերադառնալ Բաքու: Շահունյանից, Կիրովաբադից, Գանձակից, Գետաշենից Հայաստան գաղթած բազմաթիվ հայեր երազում են հայրական օջախ վերադառնալու մասին:

«Դարձանք վայրագությունների զոհ, կորցրեցինք մեր տունը, եւ եթե Ադրբեջանի նախագահ Իլհամ Ալիևը այսօր խոսում է ադրբեջանցի գաղթականների մասին, ապա մենք էլ պետք է բարձրաձայնեք ադրբեջանահայ գաղթականների հարցը», ասում է նա: Ըստ Այվազյանի՝ ադրբեջանահայ գաղթականների հետ ընդունումը Ադրբեջանի համար վերջին շանսն է ապացուցելու, որ ժողովրդավար երկիր է եւ կարող է քաղաքակիրթ երկրների հետ ուղք մեկնել:

Այվազյանի՝ ԱՄՆ դեսպանատանը ուղարկած նամակին պատասխանել են, որ եթե խոսում ենք դարաբառյան հակամարտության կարգավորման գործում փախստականների խնդրի մասին, ապա խոսքը վերաբերում է երկու կողմերին:

Եթե Ադրբեջանը չհամաձայնի փախստականների վերադարձին, ապա ադրբեջանահայերը կպահանջեն

փոխհատուցում: Ադրբեջանահայերի ասամբլեայի նախագահը հաշվել է Հայաստան գաղթած ադրբեջանահայերի կորցրած տների ու հարստության արժեքը՝ գումարել բարոյական վնասն, ու ստացվել է 200 մլրդ դոլար գումար: Այդ պարտքն իրենց պետք է վերադարձնի Իլիան Ալիևը:

ԴՄԻՏՐԻ ՄԵՂՎԵՂԵՎՆ ԱՅՑԵԼԵՑ ԾԻԾԵՆԱԿԱՔԵՐԴ ՌԻ ՀԻԱՅԱԿ ԱՐԱՐԱՏԻ ՏԵԱՐԱՆՈՎ



Նախագահ Մերժ Սարգսյանի հրավերով օգոստոսի 19-ին պետական այցով տիկնոջ՝ Սվետլանա Մեղվեղեայի հետ Երևան ժամանող Ռուսաստանի նախագահ Դմիտրի Մեղվեղեի ինքնաթիռը վայրէջք կատարեց երեկոյան 19:30-ին: «Չվարքնոց» օդանավակայանում բարձրաստիճան հյուրերին դիմավորում էր Մերժ Սարգսյանը տիկնոջ՝ Ռիտա Սարգսյանի հետ: Ռ-Դ նախագահի գլխավորած պատվիրակության կազմում էին արտաքին գործերի նախագահ Մերգեյ Լավրովը, պաշտպանության նախարար Անատոլի Սերդյուկովը, տրանսպորտի նախարար, տնտեսական համագործակցության հայ-ռուսական միջկառավարական հանձնաժողովի համանախագահ Իգոր Լեխտինը, Ռ-Դ Հյուսիսարևմտյան դաշնային շրջանի Ռ-Դ նախագահի լիազոր ներկայացուցիչ Իլյա Կլեբանովը, Ուլյանովսկի նահանգապետ Մերգեյ Մորզովը, պաշտոնատար այլ անձինք: Ռ-Դ նախագահի այցն ու հատկապես Հայաստանի եւ Ռուսաստանի միջեւ կնքվելիք ռազմաստրատեգիական պայմանագիրը տարածաշրջանի վերլուծաբանների, քաղաքագետների, հեղինակավոր լրատվամիջոցների ուշադրության կենտրոնում են:



Դմիտրի Մեղվեղեի առաջին կանգառը Ծիծեռնակաբերդի բարձունքն էր, ուր նա բարձրացավ ՀՀ արտգործնախարար Էդվարդ Նալբանդյանի ուղեկցությամբ: Հայոց եղեռնի զոհերի հուշարձանին ծաղկեպսակ դնելու արարողության ժամանակ հնչեց Ռ-Դ հիմնը, ինչը նշանակում է ողջ Ռուսաստանի խոնարհումը Յեղասպանության զոհերի հիշատակին: «Հայոց

ցեղասպանության թանգարանը եւ հուշահամալիրը 20-րդ դարի սարսափելի ողբերգության վկայությունն են, միաժամանակ հիշեցնում են, որ կյանքն այն գլխավոր արժեքն է, որը քաղաքակիրթ ժողովուրդների կողմից ենթակա է պահպանության»: Այս խոսքերը Յեղասպանության թանգարան-ինստիտուտի հուշամատյանի 2008 թ հոկտեմբերի 21-ի Դմիտրի Մեմլեռեի գառունն են:



Այդ ժամանակ Ռ-Դ նախագահը հուշահամալիրի Հիշողության պուրակում ծառ տնկեց ի հիշատակ 1915 թվականի Հայոց ցեղասպանության զոհերի: Երեկ արդեն նախագահ Մեղվեղեյը ջրեց երկամյա եղեմին:

Յեղասպանություն թանգարան-ինստիտուտի տնօրեն Հայկ Դեմոյանը նախագահին հակիրճ ներկայացրեց հուշահամալիրի կառուցման պատմությունը, պատմություններ գրականությունից, որոնք առնչվում են հայ-ռուսական հարաբերություններին: Նախագահ Մեղվեղեյն էլ անկեղծացավ ու խոստովանեց, որ հիացած է բարձունքից բացվող մայրամուտի հրաշալի պատկերով եւ Արարատի տեսարանով:



Ռ-Դ նախագահի այցի շրջանակներում նախատեսվում է Հայաստանում ռուսական 02-րդ ռազմաբազայի ներկայությունը մինչեւ 2044 թ-ը երկարաձգելու

արձանագրության ստորագրումը: Այսօր Դմիտրի Մեղվեղեյը կմասնակցի «Պատվո բլուր» զինվորական գերեզմանի հանդիսավոր բացման արարողությանը, ուր ամփոփած են 19-րդ դարի ռուս-թուրքական պատերազմների մասնակցած ռուս սպաների մարմինները:



Պետական այցի ավարտին Ռ-Դ նախագահը կմասնակցի Հավաքական անվտանգության պայմանագրի անդամ-երկրների ղեկավարների՝ օգոստոսի 20-22-ը Հայաստանում անցկացվելիք ոչ պաշտոնական զագաթաժողովին:

ՀԱՍՄԻԿ ՀԱՐՈՒԹՅՈՒՆՆԵՐ

ՀԱՅ ԱՌԱՔԵԼԱԿԱՆ ԵԿԵՂԵՑՈՒ ՀԱՂՈՐԴԱԳՐՈՒԹՅՈՒՆ

Ամենայն հայոց կաթողիկոսության եւ Մեծի տանն Կիլիկիո կաթողիկոսության կանոնական հանձնախմբի Ժողովի

Նախորդ համարում հրապարակել էինք Մայր աթոռից ստացված հաղորդագրությունը Ս. Էջմիածին-Անթիլիաս ծիսական խառը հանձնախմբի անդրանիկ նիստի գումարման մասին: Այսօր հրապարակում ենք երկու կաթողիկոսությունների միջեւ կանոնական խառը հանձնախմբի հերթական նիստի մասին ստացված նոր հաղորդագրությունը, որը, ինչպես եւ նախորդը, հաստատում է «Ազգի» նախապես ունեցած տեղեկությունը առ այն, որ զույգ կաթողիկոսությունների միջեւ ըստ երեւույթին «ձևիալ» է սկսվել, որն անկասկած սկիզբ է առել Ամենայն հայոց հայրապետի եւ Մեծի տանն Կիլիկիո կաթողիկոսի միջեւ անձնական շփումներից, ինչը միմիայն գոհունակություն կարող է պատճառել Հայ եկեղեցու երկփեղկված վիճակով մտահոգ զանգվածներին:

Խմբ.

Ն.Ս.Օ.Տ.Տ. Գարեգին Բ Ամենայն հայոց կաթողիկոսի եւ Ն.Ս.Օ.Տ.Տ. Արամ Ա Մեծի տանն Կիլիկիո կաթողիկոսի օրհնությամբ եւ բարձր տնօրինությամբ 2005 թ. ստեղծված կանոնական հանձնախումբը սույն թվականի օգոստոսի 18-19 Մայր աթոռ Սուրբ Էջմիածնում գումարեց իր հերթական ժողովը:

Համատեղ հանձնախմբի նպատակն է իր աշխատանքով նպաստել Հայաստանյայց առաքելական սուրբ եկեղեցու սրբազան առաքելության առավել ծաղկմանը եւ ներքին միասնականության ամրապնդմանը, Հայ եկեղեցու կյանքում առկա կանոնական խնդիրների քննությանն ու լուծումների առաջադրմանը:

Կանոնական հանձնախմբի անդամներն են՝

- Տ. Խաժակ արքեպիսկոպոս Պարսամյանը (ատենապետ).
- Տ. Օշական արքեպիսկոպոս Չոլոյանը (ատենապետ).
- Տ. Միքայել եպիսկոպոս Աջապահյանը (ատենադպիր).
- Տ. Նարեկ եպիսկոպոս Ալեմեգյանը (ատենադպիր).
տիար Զիմ Գալուստյանը.
տիար Արսեն Դանիելյանը.
տիար Նիկոլայ Յովհաննիսյանը.
տիար Տիգրան Ջինբաշյանը:

Օգոստոս 18-ին վեհարանում ժողովի մասնակիցներին ընդունեց Ամենայն հայոց կաթողիկոսը: Նորին սրբությունը, հայրապետական իր օրհնությունը բերելով ժողովականներին, բարի արդյունավորում մաղթեց ժողովի աշխատանքներին: Հանդիպման ընթացքում Օշական սրբազանը

Վեհափառ հայրապետին փոխանցեց Արամ Ա Վեհափառ հայրապետի եղբայրական ողջույնները:

Ժողովը բացվեց Տերունական աղոթքով: Ատենապետների ողջույնի խոսքերից հետո «Հայ եկեղեցու կանոնական վիճակը (հայ եկեղեցաբանության սահմանում)» թեմայի շուրջը հանձնախմբի ուշադրությանը գեկույցներ ներկայացրեց Նարեկ եպիսկոպոս Ալեմեգյանը («Ընդհանուր ներածական եւ եկեղեցաբանության աստվածաշնչական հիմերը»), Եգիկ արքեպիսկոպոս Պետրոսյանը («Հայ եկեղեցու աստվածաբանական-եկեղեցաբանական սահմանում») եւ Միքայել եպիսկոպոս Աջապահյանը («Հայ եկեղեցու գործնական արտահայտությունը ներկայիս»): Յուրաքանչյուր գեկուցումից հետո գեկուցողները պատասխանեցին ժողովականների հարցումներին: Տեղի ունեցավ մտքերի փոխանակում եւ ընդհանուր քննարկում:

Ժողովի ավարտին, ելնելով ժողովի աշխատանքի ջերմ, կառուցողական մթնոլորտից եւ արդյունքներից, ժողովականները համոզում հայտնեցին, որ որդեգրած առաջադրանքների իրագործումը մեծապես պիտի նպաստի Հայ եկեղեցու հզորացմանը եւ միասնականությանը:

Քննարկում Գյումրիում



Օգոստոսի 4-ին, Գյումրիում «Շիրակ կենտրոն» ՀԿ-ի և «Մենք դեմ ենք օտարալեզու դպրոցների վերաբացմանը» նախաձեռնող խմբի նախաձեռնությամբ ժուռնալիստների «Ասպարեզ» ակումբում կայացավ քննարկում, նվիրված Կառավարության կողմից Ազգային Ժողովին ներկայացված և առաջին ընթերցմամբ ընդունված՝ «Լեզվի մասին» և «Հանրակրթության մասին» օրենքներում առաջարկվող փոփոխություններին: Քննարկմանը մասնակցում էին Գյումրիում գործող հասարակական կազմակերպություններ, ԶԼՄ ներկայացուցիչներ և մտավորականներ: Հանդիպման վերջում պատրաստվեց և հրապարակվեց բաց նամակ ի պատասխան «Դիլիջան» միջազգային դպրոցի նախաձեռնողների վերջերս Հանրային Խորհրդին ուղղված բաց նամակի:

Բաց նամակը ազատ է ստորագրությունների համար: Ստորագրել ցանկացողները կարող են այցելել Գյումրիում «Շիրակ կենտրոն» ՀԿ (Կարպետաց 176) կամ ժուռնալիստների «Ասպարեզ ակումբ» (Պուշկինի 26): Նամակին կարելի է միանալ նաև համաձայնություն ուղարկելով asparezclub@yahoo.com, info@shirakcentre.org էլեկտրոնային հասցեներին:

ՌԻԵԼՍԻ ԶԱՐԴԻՖԻ ԱՄՐՈՅՑ «ՃԱՆԱԳԵՑ» ԴԱՐԱԲԵՐԵՆ ԱՆԿԱՆՈՒԹՅՈՒՆԸ

Մեծ Բրիտանիայի խորհրդարանի պատգամավոր Սթիվեն Փաունդը ճանաչողական այցով ժամանել է Ստեփանակերտ: Օգոստոսի 18-ին նրան ընդունել է ԼԴՅ ԱԺ նախագահ Աշոտ Ղուլյանը, քննարկվել են «Ղարաբաղի եւ Մեծ Բրիտանիայի խորհրդարանների համագործակցության հարցեր»: Սպասելով այդ համագործակցության կայացմանը, ինչպես նաեւ Ադրբեջանի «սեւ ցուցակի» հերթական թարմացմանը, նշեմք, որ այս օրերին Բրիտանիայում Ուելսում եւս մեկ հիշատակում է եղել Ղարաբաղի վերաբերյալ: Ադրբեջանական «ԱՊԱ»-ի տեղեկացմամբ Ուելսի մայրաքաղաք Քարդիֆի ադրբեջանցի բնակիչներից մեկը հայտնաբերել է, որ Քարդիֆի հիմնավորց ամրոցից հանվել է Ադրբեջանի դրոշը, փոխարենը ամրոցի վրայից ծածանվում է ԼԴՅ եռագույնը: Հիշյալ ամրոցի վրա կան մի շարք պետությունների դրոշներ, որոնցից մեկը, փաստորեն, արդեն հայկական երկրորդ պետության դրոշն է:

Համահայկական էլեկտրոնային գրադարանի ինտերնետային կայքի նախնական տարբերակը պատրաստ կլինի նոյեմբերին

ԵՐԵՎԱՆ, 19 ՕԳՈՍՏՈՍԻ, ԱՐՄԵՆԴՐԵՍ: Համահայկական էլեկտրոնային գրադարանի ինտերնետային կայքի նախնական տարբերակը պատրաստ կլինի նոյեմբերին: Ինչպես «Արմենպրես»-ի հետ գրույցում նշեց Հայաստանի սփյուռքի նախարարության աշխատակազմի տեղեկատվության եւ հեռահաղորդակցության վարչության պետ Տիգրան Հարությունյանը, կայքի ստեղծման աշխատանքներով զբաղվում է «Մասակա» ընկերությունը, որը հաղթող էր ճանաչվել նախապես հայտարարված մրցույթում:

Տ. Հարությունյանի խոսքով, էլեկտրոնային գրադարանի կայքը կունենա բազմաթիվ հնարավորություններ, այն կլինի բազմալեզու: «Արեւելահայերենից եւ արեւմտահայերենից բացի կայքում կտեղադրվեն նաեւ այլ լեզուներով գրքեր, որովհետեւ կան բազմաթիվ հայազգի գրողներ, ովքեր ունեն անգլերենով կամ այլ լեզվով գրված ստեղծագործություններ»,-ասաց Տ. Հարությունյանը: Նրա խոսքով, էլեկտրոնային գրադարանի ստեղծումը լավ հնարավորություն է, որպեսզի Հայաստանի հասարակությունը ծանոթանա Սփյուռքի գրական գործիչների ստեղծագործություններին եւ հակառակը:

Տ. Հարությունյանը նկատեց, որ գրեթե բացակայում են հայկական էլեկտրոնային գրադարանները: Սփյուռքի ցրվածությունն աշխարհով մեկ հնարավորություն չի ստեղծում շփվելու հայ գրականության հետ: Ըստ նրա՝ էլեկտրոնային գրադարանի ստեղծմամբ Սփյուռքում ապրող հայրենակիցները կկարողանան հաղորդակից դառնալ հայ գրականությանը, արվեստին, ազգային արժեքներին:

Մինչեւ տարվա վերջ որոշակի գրականություն արդեն թվայնացված կլինի, իսկ հետագայում արդեն ֆոնդը պարբերաբար կթարմացվի: Տ. Հարությունյանը նշեց, որ

այդ հարցում նախատեսում են սերտորեն համագործակցել ինչպես Հայաստանի, այնպես էլ Սփյուռքի հրատարակիչներ, գրողների հետ:

Սփյուռք

ԱՐԱԲԵՐԵՆ ՆՈՐ ՊԱՐԲԵՐԱԹԵՐԹ՝ ՆԱՆՈՐԴԻ ԱՌԱԵՒԼՈՒԹՅԱՄ

Դիմակայելու նպատակով արաբական աշխարհում թուրքական եւ ադրբեջանական մեծածավալ հակահայկական քարոզչությանը, այս տարվա ապրիլից Կահիրեում սկսել է հրատարակվել ԶԲԸՄ-ի արաբերեն լեզվով «Արեգ» պարբերականը, լրացնելով այն բացը, որը ստեղծվել էր մինչեւ անցյալ տարվա ապրիլը մոտ տասներկու տարի անխափան հրատարակված, Կահիրեի հայ համայնքի ՌԱԿ պաշտոնական օրգանի՝ «Արեւի» արաբերեն հավելվածի դադարեցումով: «Ազգ»-ն իր էջերում բազմիցս էր անդրադարձել արաբերեն լեզվով հրատարակվող «Արեւի» կարելու առաքելությանը:



Ուրախալի է նշել, որ ԶԲԸՄ-ն ընդհանրապես եւ նրա Եգիպտոսի մասնաճյուղը մասնավորապես, ճիշտ գնահատելով նման հույժ այժմեական ծրագրի իրականացումը, թիկունք է կանգնել դրան: Ուրախալի է նաեւ, որ ինչպես նախորդի, այնպես էլ նոր պարբերականի խմբագիրն է իր գործին նվիրյալ արաբական աշխարհում ծանոթ պատմաբան դոկտ. Մոհամեմ Ռիֆաաթ էլ Իմամը, որն անդրադարձել էր համարի «Վերադարձ սկզբին» խորագրով հոդվածում գրում է, թե

հայերի եւ արաբների միջեւ գոյություն ունեցող պատմական կապերի հեցի վրա եւ այդ կապերը ընդլայնելու ԶԲԸՄ-ի ստանձնած առաքելության որպես արտահայտություն, ներկայի եւ ապագայի որոշակի դրդապատճառներ ուղղակի անհրաժեշտություն են դարձնում արաբերեն նման հրատարակության լույս ընծայումը: Պարբերականի հայկական նյութերի պատասխանատու խորհրդատուն է անխնայ մտավորական, ԶԲԸՄ-ի Եգիպտոսի շրջանակային հանձնաժողովի երկարամյա ստեղծապետ Պերոն Թերզյանը, ով հուլիսին հրավիրված էր Երեւան մասնակցելու գրողների համահայկական 5-րդ համաժողովին: Խմբագրության քարտուղարն է Ալի Սաբետ Սաբրին: Պարբերականը բաղկացած է 21x29 սմ չափսի 24 էջերից, տպագրությունը իրականացնում է «Դիզայն Արտ» հրատարակչությունը: Արդեն հրատարակվել է հինգ համար: Ըստ ԶԲԸՄ-ի «Տեղեկատու» պաշտոնաթերթի, պարբերաթերթն անվճար առաքվելու է արաբական աշխարհում գործող համալսարաններին, գրադարաններին եւ ճանաչված մտավորականներին, այնպես էլ Կահիրեում եւ Երեւանում գործող արաբական պետությունների դեսպանատներին եւ մշակութային հաստատություններին:

Անխափան երկար ու բարի երթ «Արեգ» նոր պարբերականին:

ՀԱՎՈՐ ԾՈՒԼԻԿՅԱՆ-Ազգ-երեսն

Իրան

Թուրքական մամուլ. Իրանի փոխնախագահի խոսքերը սառը ցնցուղ Թուրքիայի համար

<<Իրանից Թուրքիայի համար սառը ցնցուղ>>,- թուրքական Milliyet պարբերականը նման խորագրով հոդվածով է անդրադարձել Իրանի փոխնախագահ Համիդ Բադայի՝ Թեհրանում կայացած կոնֆերանսներից մեկի ժամանակ 1915 թվականի ռճրագործությունը որպես Յեղասպանություն որակելու փաստին: Թուրքական թերթը նշում է, որ սա իսկական սառը ցնցուղ է այն դեպքում, երբ այժմ թուրք-իրանական հարաբերությունները զարգացում են ապրում: Միննույն ժամանակ Milliyet-ն ուշադրության է հրավիրում այն բանի վրա, որ մինչ այժմ Իրանում նման դիրք ունեցող ոչ մի պաշտոնյա չէր օգտագործել <<ցեղասպանություն>> բառերը:



Հիշեցնենք, որ Իրանի փոխնախագահ Համիդ Բադայը դաշնակիցների կողմից Իրանի գրավման 70-րդ տարելիցի կապակցությամբ <<Իրան. հաղթանակի կամուրջը>> կոնֆերանսի ժամանակ բացեիբաց նշել է, որ Օսմանյան կայսրությունում 1915 թվականի կատարվածը ցեղասպանություն է, ու չնայած այսօր Օսմանյան կայսրությունը գոյություն չունի, սակայն Հայաստանը Թուրքիայից է պահանջում ներողություն խնդրել և փոխհատուցում վճարել:

ՐԱՅ-ԻՐԱՆԱԿԱՆ ԱՁԱՏ ԱՌԵՎՏՐԻ ԳՈՏՈՒ ՍՏԵՂՈՒՄԸ՝ ԸՆՆԱՐԿՄԱՆ ՓՈՒԼՈՒՄ

Վերջերս ակտիվացել են Հայաստան-Իրան բարձր մակարդակի երկկողմ փոխայցելությունները, ձեռնարկվել է արդյունավետ տնտեսական համագործակցություն, կյանքի են կոչվում բազմաթիվ փոխշահավետ ծրագրեր, գոյություն ունի լայն իրավապայմանագրային դաշտ, եւ կա երկկողմ պարտաստականություն՝ առավել զարգացնելու փոխգործակցությունը:



Ըստ ԱԳՆ պաշտոնական հաղորդագրության՝ սեպտեմբերի 15-ին Հայաստանի ԱԳ նախարար Էդվարդ Նալբանդյանի՝ Թեհրան պաշտոնական այցելության շրջանակներում Իրանի նախագահ Մահմուդ Ահմադինեժադի հետ հանդիպմանն այս դիրքորոշումն է արտահայտվել՝ երկու երկրների համագործակցության զարգացման առնչությամբ գոհունակությամբ:

Նալբանդյանը հանդիպել է նաև Իրանի ԱԳ նախարար Մանուչեհր Մոթաքիին: Հանդիպմանը քննարկվել են երկկողմ հարաբերությունների օրակարգային հարցերը՝ քաղաքական, տնտեսական, ապակենտրոնացված ու մշակութային համագործակցության, համատեղ

իրականացվող ու նախատեսվող ծրագրերը, հատկապես էներգետիկ եւ տրանսպորտային ոլորտներում: Ջրուցակիցները վերահաստատել են փոխշահավետության վրա հիմնված երկկողմ հարաբերությունները զարգացնելու պատրաստականությունը՝ նշելով, որ բարձր մակարդակի փոխադարձ այցելությունների հաճախակիությունը նպաստում է համագործակցության առավել ամրապնդմանը:

«Մարդու իրավունքների հնագույն հռչակագիրը» վերադարձավ Իրան



Կյուրոս Մեծի գլանը՝ Ք.Ա. 6-րդ դարի փաստաթուղթը, որը երբեմն անվանում են «մարդու իրավունքների հնագույն հռչակագիր», Բրիտանական թանգարանի կողմից հանձնվել է Իրանին:

Ինչպես հաղորդում է Lenta.ru-ն, վկայակոչելով Associated Press-ին, գլանն արդեն Իրանում է: Նշենք, որ գլանի շուրջ վերջին շրջանում լուրջ կրքեր էին բորբոքվել: Մեծ Բրիտանիան պարտավորվել էր հանձնել հնագույն փաստաթուղթը, սակայն հետաձգում էր: Իրանն, իր հերթին, հետաձգումը բացատրում էր քաղաքական դրդապատճառներով եւ սպառնում էր խզել կապերը Բրիտանական թանգարանի հետ, եթե այն հնագույն փաստաթուղթը հետ չվերադարձվի: Թեհրանը նաև փոխհատուցում էր պահանջում: Բրիտանական թանգարանը հետաձգումը բացատրում էր հետազոտությունների անցկացմամբ:

Հասարակական

ԿՐՈՆԱՓՈԽ ՐԱՅԵՐԻ ՍԵՐՈՒՆԴՆԵՐ ԵՐՈՂԱՅՈՒՄ

Ռուբեն Մելքոնյան

Գերմանիայի Վիսբադեն քաղաքում, ըստ Համո Մոսկոֆյանի, կա կրոնափոխ հայերի ռեստորան-հավաքատեղի, որը կոչվում է «Անի»: Հիշյալ քաղաքում ապրում են նաև կրոնադարձված մի խումբ հայեր, որոնցից, օրինակ Նուրեդդին Գյունդեմը, որը վերանվանվել է Սիմոն, պնդում է, թե սերում է մեծ ֆիդայի Հրալդ Դ-ժոխքի տոհմից:

Բելգիայում բնակվող կրոնադարձ հայերի մասին հետաքրքրական հոդվածով է հանդես եկել Դավիթ Ջենյանը, Համաձայն որի, հիմնականում Շրքնաքից եւ Սիլոպից գաղթած քրդացած-քրդախոս հայերն այսօր վերադառնալով իրենց ինքնությանը՝ կազմում են տեղի առաքելական համայնքի հիմքը եւ հանդես գալիս որպես ջերմեռանդ քրիստոնյաներ: Նրանց երիտասարդ սովորում են հայերեն, եւ այդ միջոցով մայրենիին են սկսում տիրապետել նաև ծնողները: Բրուսելի քրդացած կամ քրդախոս հայերի համայնքի կարեւոր դեմքերից եւ հիմնադիրներից Մեարոպ Աֆշարը, պատմելով հայրենիքում իրենց վիճակի մասին, նշում է. «Վախը եւ ճնշվածության զգացումը մեր մշտական ողբերկիցներն էին: Գնշումները շատ էին, բայց մեր մեծերը մշտապես հիշեցնում էին մեզ, որ չնայած լեզվի կորստին՝ մենք հայ ենք»: Աֆշարը Թուրքիայում իրենց կենսակերպի մասին որոշ մանրամասներ է պատմում, որոնցից պարզ է դառնում, որ նրանք ծպտյալ հայեր են եղել եւ գաղտնի չարունակել են քրիստոնեական սովորույթները, ասորի

քահանայի միջոցով գաղտնի մկրտել իրենց երեխաներին, կատարել հարսանյաց, թաղման քրիստոնեական արարողություններ: Ինչպես շատ վայրերում, այնպես էլ Շրքնաքում վերապրած ծպտյալ հայերն ունեցել են կրկնակի անձնանուններ՝ տան եւ դրսի համար: Մերոպ Աֆչարն այս մասին պատմում է. «Մերոնց շրջապատում մենք հայեր էինք: Սկրտելիս մեր երեխաներին տալիս էինք հայկական անուններ, օրինակ՝ Սարգիս, Դավիթ, Նուպար, Գեորգ եւ Սարո, բայց արտաքին միջավայրում մենք նման էինք քաղաքի մնացած բնակիչներին: Մենք կրում էինք քրտական անձնանուններ, օրինակ՝ Էուզ, Հալիք, Օղեմիշ, Բիրջին»:

Ավելորդ չէ նշել, որ հայերի այս խմբի փրկության եւ հայկականության վերադարձի մեջ ես լուրջ դեր է ունեցել Պոլստ պատրիարք, լուսահոգի Շնորհք Գալուստյանը, ում ջանքերով 1960-ականների կեսերին հայության այս բեկորները նախ սկսել են Շրքնաքից եւ Սիլոպից տեղափոխվել Ստամբուլ, իսկ այնուհետև՝ 1980-ականներին, Բելգիա, Ֆրանսիա. Հոլանդիա:

Ինչպես վերը նշվեց, այսօր կրոնադարձված հայերի խմբեր կան նաեւ Շվեդիայում, որոնցից է ծնունդով Ադանայից Սուլեյման Ֆարուքը, որը, զանելով իր իրական ինքնությունը, ընդունել է քրիստոնեություն եւ փոխել անունը՝ դառնալով Հայկ Արամյան: Նա մեկն է բազմահազար ուժացած հայերից, որոնք սպարում են թուրքի կամ քրդի արտաքին ինքնության քողի տակ: Դեռ մանկուց կասկածներ ունենալով իր ինքնության չորջ՝ նա որոնել է եր արմատները եւ 1983թ. Դամասկոսում տեղի Հայկական եկեղեցում մկրտվել, իսկ երկու տարի անց՝ 1985թ. տեղափոխվել ու հաստատվել է Շվեդիայում: Իր ինքնությունը մասին նա նշում է. «Ներքուստ ես միշտ գտնում է, որ ուրիշ եմ: Ես կարող էի քուրդ մնալ, բայց ես այլ կերպ որոշեցի»: Հաստատվելով Ստոքհոլմում՝ Հայկ Արամյանն ամուսնացել է այնտեղ բնակվող դիարբեքիցի հայուհու հետ, եւս իր երկու զավակներին անվանել Մասիս եւ Անի: Երեխաները, ի դեպ, սովորել են տիրապետում են հայերենին: Հատկապես ուշագրավ է, որ ակունքներին վերադարձան Հայկ Արամյանը ձգտում է իր երեխաների մեջ արմատավորել ու էլ ավելի վառ պահել հայկականության զգացումը եւ այդ նպատակով նրանց մի քանի անգամ արդեն բերել է Հայաստան, մասնավորապես՝ նաեւ Արցախ: Նա նշում է. «Ես այնքան շատ բան էի բաց թողել, ես ուզում եմ, որ իմ երեխաները մեծանան՝ իմանալով, թե իրենք ով են: Ես ուզում եմ, որ իմ ոգին հպարտանա իր հայկական ծագումով»:

Այսօր Արամյանը շվեդահայ համայնքի ակտիվ անդամներից է: Հարկ է նշել, որ Հայկի ընտանիքի մի մասը մնացել է Ադանայում, այլինքն՝ կա այնտեղ հալածվելու վախը, ինչը, սակայն, չի կարողացել խոչընդոտել նրան իրական ինքնությանը վերադառնալու համար: Ավելին՝ մի քանի տարի առաջ Շվեդիա է տեղափոխվել նաեւ նրա եղբայրը եւ կրկին վերադարձն էլ արմատներեն՝ ընդունելով Արամ անունը:

Նշենք, որ եվրոպաբնակ այս Հալեքը խնդրներ ունեն ինքնությունը բացահայտելու համար, քանի որ նրանց ազգականները ներկայումս էլ բնակվում են Թուրքիայում եւ կարող են դառնալ հալածանքի թիրախ, ուստի եւ երբեմն նրանք կողմ չեն շատ բաց արտահայտվելուն: Կան ընտանիքներ, որոնք կրոնադարձվելուց հետո որոշակի անհանգստություն ունենալով Թուրքիայում մնացած ազգականների համար՝ այդքան էլ բացահայտ չեն խոսում վերագտած ինքնության մասին եւ անգամ կյանքի երկակի բնույթ ունեն: Նմանատիպ մի օրինակ է Հոլանդիայում հաստատված դիարբեքիցի Մերջանյանների ընտանիքը. նրանք 1970-ականներին Ամստերդամ տեղափոխվելուց պես վերընդունել են քրիստոնեություն, սակայն այսօր էլ Դիարբեքիում ունեն ազգականներ: Ինչպես նշում է թուրք հետազոտող Ուոլոր Ունգորը. «Այսօր, երբ նրանք այցելում են Դիարբեքիում մնացած՝ իրենց ազգականներին, Եվրոպայի եւ Թուրքիայի միջև ինքնաթիռային թռիչքների ժամանակ կարելի է ականատես լինել մի կրոնից մյուսին

անցման յուրահատուկ դրսեորման, կանայք արդեն ինքնաթիռում գլուխները ծածկում են գլխաշորով, հայկական անունների փոխարեն օգտագործում մուսուլմանական անուններ եւ Դիարբեքիում իրենց պահում են մուսուլմանների պես»:

Ամփոփելով՝ նշենք, որ եվրոպաբնակ կրոնադարձ հայերի թեմայի ուսումնասիրությունն ունի ոչ միայն գիտական կարեւորություն, այլեւ խիստ այժմեական ու գործնական նշանակություն:

«Մասիս» շաբաթաթերթ, հունիս 19, **Շաբ. 2 եւ վերջ**
«300 միլիոնին ղեկավարում են 3 հազար սիոնիստներ»



Այսօր Բաղդադում ամերիկացի լրագրողը հարցնում է.

- Վերջապես մեկը պիտի ասի՞ ինձ, թե այս երկրի անունը Իրաք է, թե Իրան: Ամերիկացի զինվորը տարիներով մնում է Գերմանիայում, բայց չգիտի, թե դա ո՞ւր է: Ինքնաթիռ դնում եւ ուղարկում են: Զինվորը գիտի, թե ինքն Ամերիկայում է եւ ոչ թե Գերմանիայում: Այդպես է ուզում սիոնիզմը: 300 միլիոնին ղեկավարում են 3 հազար սիոնիստներ: Այսօր ԱՄՆ-ում կապիտալիզմ չէ՝, ստրկությունն է: Մե՞ դը է ամերիկացի գյուղացին, բարի ժողովուրդը:

Լիբանանցի հայտնի քաղաքական գործիչ Ուալիդ Ջումրլատն ասում է.

- Է՞ջ ամերիկացի, որ արջի նման մտավ Բաղդադ: Ո՛չ: Այդպես չէ: Ճի՞շտը:

- Է՞ջ ամերիկացուն արջի նման տարան Բաղդադ: Ի՞նչ գործ ունեն Բաղդադում, ա՛յ տխմար: Քանի՞ երկիր պիտի գրավես: Ինչպե՞ս: Հանգիստ ապրում ես: Ի՞նչ ես ուզում: Վայելի՛ր կյանքը, ա՛յ Ապուշ: Ոչ մի կապ գոյություն ունի երկուքին միջեւ. Արեւելքն ապրում է անցյալում, իսկ Արեւմուտքը ապագայում: ...Իսկ հիմա ուզում են Մեծ Միջին Արեւելք սարքել: Ոչ միայն ԱՄՆ-ը, այլեւ Եվրոպական Միությունը կոչ են անում արագացնել Մեծ Միջին Արեւելքի գոյառումը: Մի իսլամ երկիր Մարոկկոյից մինչեւ Պակիստան, Լիբանանը մայրաքաղաք:

Իսրայելը ի՞նչ պիտի լինի: Միոնիզմի համար՝ ո՛չ մի հարց: Իսրայելում ապրող 2 միլիոն իրեաներին, ինչպես որ բերին, այնպես էլ կտարածեն աշխարհով մեկ: Հենց նույն մութ ուժերի տարածաշրջանները: Մութ ուժը սիոնիզմն է: Աշխարհի տնտեսությունը ո՞վ է տնօրինում: Աշխարհի քաղաքականությունը ո՞վ է ղեկավարում: Օգտագործում են մատնականությանը մարդկությանը միահավատություն կամ անհավատություն պարտադրելու, ապա էւ նրան ամբողջությամբ ստրկացնելու համար: Այսինքն 1000 տարի պատերազմ: Ո՞վ պիտի օգտվի այս բոլորից: Նա, ով լուռ ու կազմակերպված սպասում է առիթին: Մենք, որպես հավաքականություն, մեծ գրո ենք, որպես անհատ կես հանձար, որպես խումբ՝ հոյակապ: Փա՛ստ: Կարդացեք...

Համարակալումը որպես գլոբալացման միջոց

Մարդկության համընդհանուր համարակալումը դեպի գլոբալացումը տանող հիմնական քայլերից մեկն է: Գլոբալացումը դեմ է դեմոկրատիային, ազատամտությանը, ազգային մտածելակերպին եւ հայրենասիրությանը: Դրանց փոխարեն, գլոբալացված աշխարհում բոլոր մարդիկ պետք է համարակալվեն եւ լինեն ամբողջական, համապարփակ հսկողության տակ: Համարակալումը կատարվում է հիմնականում Համաշխարհային բանկի գումարներով, որն աշխարհը գլոբալացնող կառույցներից մեկն է: Հայաստանում մարդկանց համարակալումը սկզբում անցկացվում էր կամավոր, իսկ այժմ այն գործնականում կատարվում է պարտադիր կերպով, առանց մարդկանց կարծիքը հաշվի առնելու եւ առանց հանրաքվեի: Համարակալման օրենքն ընդունվել է չընտրված, գլոբալիստական ուժերի կողմից նշանակված խորհրդարանի կողմից: Այն տպավորությունն է, որ խորհրդարանի առաքելությունն է ընդունել ապագային օրենքներ, այդ թվում՝ համարակալման վերաբերյալ օրենքը, վաճառել ազգային հարստությունները:

1917թ.-ին, երբ Լենինը եւ բոլշեվիկյան խունտան փորձում էին գլոբալացնել կամ «կարմրացնել» ամբողջ աշխարհը կեղծ մարքսիստական լոզունգներով, ինչպիսին էր «Պրոլետարներ ք բոլոր երկրների, միացե՛ք»-ը, այն ժամանակ մարդկանց բաժանվեցին սովետական անձնագրերը: Նույնիսկ գրվեցին պոեմներ այդ անձնագրերը փառաբանելու նպատակով: Եվ ի՞նչ եղավ անձնագրերի բաժանումից եւ մարդկանց ըստ իրենց հասցեների գրանցելուց հետո: Ուղղակի իջեցվեց երկաթե վարագույրը, ստեղծվեց ազգերի մի մեծ բանտ, որտեղ թույլ ազգերն ընդհանրապես վերացան աշխարհի երեսից, այլախոհները, շատ մտավորականներ եւ մեծահարուստները «կոտորա» եւ «կուլակ» մակդիրներով արքայվեցին, հարստահարվեցին կամ գնդակահարվեցին: Սովետական գլոբալացման արդյունքում հարյուրավոր ազգեր տվեցին միլիոնավոր զոհեր: Ոչ ոք մի տեղ չէր կարող թաքնվել այն նույն անձնագրի պատճառով: Այսօր էլ փորձում են ստեղծել համաշխարհային ամբողջատիրական բռնատիրական համակարգ, որտեղ ժողովրդի կամքը հաշվի չի առնվելու, երկրների իշխանությունները ոչ թե ընտրվելու են, այլ նշանակվելու հատուկ առաջադրանքներ կատարելու համար: Այսօր այն բոլոր հայ պատգամավորները, մեծահարուստները եւ իշխանավորները, որոնք կատարում են սեփական ժողովրդի համարակալման պատվերը, վաղը իրենք են դառնալու առաջին զոհերը, ինչպես դա եղավ 1917 եւ 1937 թվականներին: Միլիոն հայրենակիցներ, սթափվե՛ք, ընդդիմացե՛ք ստրկատիրությանը, պահպանե՛ք ձեր ինքնությունը, լեզուն, մշակույթը, հոգեւոր համոզմունքները եւ մարդկային աստվածատուր ազատությունը: Գլոբալացումը եւ մարդկանց համարակալումն անխուսափելի կամ բնական գործընթացներ չեն, ինչպես փորձում են ներկայացնել այսօրվա իշխանավորները եւ գլոբալիստներին ծառայող ուժերը: Կան ազատասեր ազգեր, որոնք մերժեցին համարակալումը, օրինակ, գերմանացիները, պորտուգալացիները, ճապոնացիները եւ բուլղարները: Հայը ճորտ չէ, Հայաստանը եւ աշխարհը վաճառքի ենթակա չեն: Ո՛չ համարակալմանը եւ գլոբալացմանը: Կեցցե՛ ազատ եւ անկախ Հայաստանը:

Հայաստանի հակագլոբալիստական միավորում

Փրկվելու միակ միջոցը գաղտնի, թաքուն, ծածուկ Արմենիզմն է (Հայիզմը-խմբ.), բոլորի մասնակցությամբ, բոլորի ն հրահանգով: Այլապես... հասկացողին շատ բարեւ...

Հասույած՝ Գերի Կահի «Աշխարհի գրավման ճանապարհին» գրքի (2006թ.) թարգմանիչ Հակոբ Բողոսյանի «Նախերգանք»-ից «Լուսանցք» թիվ 148 մայիսի 7-13, 2010թ.

Շար. 2 եւ վերջ

ԱՆԹԱԼԻԱՅԻ ԼՈՂԱՓԵՐԸ ԳՐԱԿՈՒՄ ԵՆ ԸԱՅԵՐԻՆ ԿԱՄ ԱՉԳԱՅԻՆ ԽԱՅՏԱՌԱԿՈՒԹՅՈՒՆ

Թեպետ վարչապետ Տիգրան Սարգսյանը ներքին կարգով նախարարներին հասկացրել էր, որ հրաժարվեն Անթալիա մեկնելուց, ամառային հանգիստը կազմակերպեն հանրապետության տարածքում եւ այդ կերպ զարգացնեն տեղական տուրիզմը, «Սիկոլ Աղբալյան» ուսանողական միությունն էլ «Անթալիայում հանգստացողը զինում է աղբբեջնական բանակը» կարգախոսով պաստառներ էր փակցրել Երեւանի փողոցներում, այնուամենայնիվ, նախորդ տարիների օրինակով այս ամառ էլ տուրիստական գործակալություններում ամենապահանջված վայրը Անթալիան էր: Մի շարք տուրիստական գործակալություններ, որ նախորդ տարի հայրենասիրությունից դրդված հրաժարվել էին տուրեր կազմակերպել դեպի Անթալիա ու միացել բոյկոտին, զգացին, որ ահագին գումար եւ հաճախորդ են կորցնում եւ այս ամառ կրկին հիշեցին Անթալիան:

J&A տուրիստական գործակալությունը 2009-ին հրաժարվեց Անթալիայում տուրեր կազմակերպելուց: «Կարծում էինք, որ դա մեզ օգուտ կբերի, թեթ այլ երկրներ առաջարկենք կկարողանանք հակակշռել Անթալիային, սակայն հակառակը ստացվեց: Մեր մշտական հաճախորդների մոտ 60 տոկոսն այդ տարի գործակալության առաջարկներից չօգտվեց: Հիմնականում մեկնում էին Քոբուլեթի կամ Բաթում, Բուլղարիա եւ Կիպրոս մեկնողներ չունեցանք եւ աշխատեցինք վնասով», ներկայացնում է գործակալության տուրմենեջեր Արմեն Գրիգորյանը: 2009-ի դառը փորձից հետո նրա խորհրդով այս տարի կրկին դռները բացվեցին Անթալիայի առջեւ: Գործակալությունն այս տարվա արդյունքներից չափազանց գոհ է: «Հարցնողները, հետաքրքրվողները շատ են: Այս տարի մոտ 45-50 հոգի մեկնել են Անթալիա: Ինչ վերաբերում է գներին ապա դրանք տարբեր են՝ սկսած 1300-ից մինչեւ 15.000 դոլար», ասաց Արմեն Գրիգորյանը: Նրա ներկայացրած տվյալների համաձայն՝ հայերը հիմնականում նախընտրում են միջին գին՝ 4000-7000 դոլար կազմող փաթեթը: 15.000 դոլարանոց փաթեթից օգտվել են մի շարք պատգամավորներ ու հայտնի քաղաքական գործիչներ: «Զեմ կարող ասել, էլ մարդիկ մյուս տարի էլ են մեր գործակալությունից օգտվելու: Կլիենտ կորցնելու խնդիր կա», եզրափակեց նա:

Անթալիա մեկնելը դարձել է նաեւ նորածեւություն, քաղքենու մակարդակով էլիտար երեւալու անհագ ցամկություն:

35-ամյա Կարենն ու 27-ամյա Արփինեն հարսանեկան ճամփորդությունն անցկացրել են Անթալիայում: «Կյանքիս 2 հրաշալի շաբաթներն էին», հանգիստն է ներկայացնում Արփինեն ու հավելում, որ ամուսնու հետ մտադրվել են ամեն տարի մեկնել Անթալիա: «Շատ սիրեցինք այդ երկիրը», ասում է նա: Պարզաբարունմից հետո, որ Անթալիան թուրքիայում է գտնվում, Արփինեն ճշտեց. «Անթալիան սիրեցինք, ոչ թե թուրքիան»:

Երկշաբաթյա հանգստի համար նորապսակները ծախսել են մոտ 5.000 դոլար: Թե ինչու այդ նույն գումարով Հայաստանում չեն կազմակերպել իրենց

հանգիստը՝ նորաստեղծները մատնանշում են երկրի բնակչի մասին ոչ նպաստավոր պայմանները, ականջ ծակող երաժշտությունն ու Սեւանի սառը ջուրը:

«Բացի այդ ինչո՞ւ պետք է հետ մնանք ուրիշներից: Ես էլ գունարը վաստակել եմ ու որտեղ ուզեմ՝ էնտեղ էլ կծախսեմ: Մեր հանգիստը քաղաքականության հետ մի խառնեք», շարունակեց Կարենը:

Որ նախորդ տարիների օրինակով այս տարի էլ Անթալիան պահանջված էր՝ ապացուցվեց մի շարք տուրիստական գործակալություններ կատարած այցելությանը:

«Ենչլ» եւ «Էյս» տուրիստական գործակալություններում թռիչքների հիմնական ուղղությունն Անթալիան էր: «Այս տարի ունեցել ենք ավելի քան 60 պատվիրատու, որոնք հանգստացել են Անթալիայում: Մեր գործակալությունում գները սկսվում են 400 դոլարից եւ հասնում 15000 դոլարի», ասաց գործակալության ներկայացուցիչ Սեւակ Շիրինյանը:

«Տրիումֆ» գործակալությունում էլ Անթալիա մեկնելու տուրեր կազմակերպում են, սակայն դրան հակակշռելու համար հաճախորդին առաջարկում են նաեւ Բուլղարիայի եւ Կիպրոսի հանգստավայրերը: Բայց դա էլ չի օգնում. եթե Բուլղարիա կամ Կիպրոս մեկնողների թիվը չի գերազանցում 2 տասնյակը, ապա Անթալիայում հանգստացողների թիվը հասնում է 50-ի:

«Այստեղ մեր բիզնեսի հարցն է դրված: Եթե հրաժարվենք Անթալիայից, ապա կունենանք ֆինանսական լուրջ կորուստներ: Եթե մարդիկ ցանկանում են հանգստանալ Անթալիայում, ապա մենք ստիպված ենք կազմակերպել տուր դեպի Անթալիա: Եթե վաղը այսքան մարդ ցանկանա գնալ Չիլի, ապա կկազմակերպենք տուր դեպի Չիլի», ասաց «Տաթեւ» գործակալության տուրմենեջեր Արթուր Բաբայանը:

Միայն երեւան քաղաքում գործում են ավելի քան 100 տուրիստական գործակալություններ, նրանց մի քանիսն էլ, որ դեպի Անթալիա թռիչքներ չի կազմակերպում: Այս տարի ճգնաժամի հետեւանքով Հունաստանն ու Իսպանիան չափազանց մատչելի գներով իրենց հանգստավայրերն էին առաջարկում զբոսաշրջիկներին, բայց հայկական մտածելակերպն Անթալիայի սահմաններից այն կողմ չձգեց: Հայկական տուրիզմը բավարար չէ, վրացական ափերը՝ նույնպէս, հունական կամ իսպանական լողափերի համար մակարդակը դեռ չի բարձրացել: Հետեւաբար նորաձեւ եւ հարուստ երեւալու ամենակարճ ուղին Անթալիան է:

Մշակույթ

ԸԱՅ ԺՈՂՈՎՐԴԻ ԱԶՏԱԳՐԱԿԱՆ ՊԱՅՔԱՐԻ ՊԱՏՄՈՒԹՅՈՒՆԻՑ

Պրոֆ. Ծ. Պ. Աղայան

Ուշադրության արժանի է այն փաստը, որ Ռուսաստանի օգնությամբ Անդրկովկասի ազատագրման ծրագրում Օրին նախատեսում էր, որ Թուրքիայի դեմ, բացի հայերից, վրացիներից և ադրբեջանցիներից պայքարի կելենն նաև հույները, քրդերը, արաբները, այսորիները և ճնշվող մյուս ժողովուրդները:

Սակայն ռուսական քաղաքականությունն այդ ժամանակ առաջնությունը տալիս էր Բալթիկայի շրջանների զբաղմանը: Օրին առայժմ նշանակվեց դիվանագետ Պարսկաստանում տեղում իրավիճակը ուսումնասիրելու համար: Երբ ռուսական բանակը Պոլտավայի մոտ շվեդների դեմ հաղթանակի հասավ, Օրին փորձեց ռուսական ցարի ուշադրությունը դարձնել դեպի հարավ, ժամանակն էր ուժերը միավորելու և դեպի հարավ արշավելու:

Պետք է նաև նկատել, որ Պետրոս Առաջինին, իրականում, հետաքրքրում էր առևտրա-տնտեսական հարաբերությունների ընդլայնումը, Ռուսաստանի դեպի Կովկաս և Մերձավոր Արևելք առաջխաղացումը, նրա հզորության բազմապատկումը:

Այսպիսով, հայ ժողովրդի ազատագրության խնդիրը XVII դ- վերջերից, կապվելով ռուսական կոզմոկոռոշման հետ, թևակոխում էր իր զարդացման նոր փուլը:

1711 թ. Օրին հանկարծամահ եղավ: Նրա սկսած գործը շարունակեցին Մինաս վարդապետը և Քանձասարի Եսայի կաթողիկոսը, որը 1718 թ. Պետրոս Ա-ին հղած նամակում հայտնում էր Ռուսաստանի հովանու տակ մտնելու և իր նվիրվածությունը ցուցաբերելու հայ ժողովրդի պատրաստակամությունը:

Հայ ազատագրական պայքարի ռուսական կողմնորոշման գաղափարը մեծ տարածում գտավ և 18-դ. 20-ական թվականներին արդեն համակեց ժողովրդական լայն զանգվածներին: Ամենուրեք հայ ժողովուրդը քաղաքական և ռազմական պատրաստություն էր տեսնում և միջոցներ փնտրում իր նպատակին հասնելու համար: Ղարաբաղի սղնախները դարձան հազարավոր հայ երիտասարդների ռազմական կոփման օջախներ:

1721 թ. սկսվեց Պետրոս Ա-ի Մերձկասպյան արշավանքը և ռուսական զորքը շարժվեց դեպի հարավ: Հայ մարտիկները Դավիթ-Բեկի գլխավորությամբ ազատագրական պայքարի ելան: 40 հազար հայ-վրացական ռազմիկներ կազմ ու պատրաստ սպանում էին միանալու ռուսական բանակին և կնքվեց Ղարաբաղի հայերի և Գյանջայի ադրբեջանցիների դաշինքը՝ Թուրքիայի դեմ համատեղ պայքար մղելու և Ռուսաստանին հավատարիմ մնալու մասին: Շուտով ռուսական զորքը գրավեց Դերբենտը, Բաքուն և հասավ Ռեշտ: Հայ ժողովուրդը, հանդգնած էր, որ հասել է փրկության օրը:

Բայց այդ վճռական պահին արևմտյան տերությունները, մտահոգված Ռուսաստանի դեպի Արևելք առաջխաղացման վտանգով, սուլթանին հրահրեցին պատերազմ հայտարարել Ռուսաստանին: Ցարը, պատրաստ չլինելով Պարսկաստանի և Թուրքիայի դեմ երկու ճակատով պատերազմելուն, ստիպված էր տեղի տալ: Հայ ժողովուրդը կանգնեց նոր հիասթափության առջև...

Այն ժամանակ, երբ հայ ժողովուրդը օգնություն էր խնդրում արևմտյան տերություններից, սրանք հայ գործիչներին մատնացույց արեցին ռուսական արքունիքը, բայց երբ վերջինս, գործելով իր շահերին համապատասխան, փաստորեն իրական պայմաններ էր ստեղծում հայ ժողովրդի ազատագրության համար, այդ նույն տերություններն օգնեցին Թուրքիային իր կրնկի տակ նետելու նաև հայ մյուս զանգվածները:

Ո՞ւմ վրա պետք է հենվեր հայ ժողովուրդն իր ազատագրական պայքարում: Դարավոր փորձը ցույց էր տալիս, որ նա պետք է հենվեր իր սեփական ուժերի և ռուս ժողովրդի օգնության վրա, դաշնակցել իրեն բախտակից անդրկովկասյան ժողովուրդների հետ:

Չնայած Ռուսաստանից ակնկալվող օգնությունը չստացվեց, հայերը Դավիթ-Բեկի գլխավորությամբ շարունակեցին անհավասար ազատագրական պայքարը, նվաճեցին Սյունյաց աշխարհի անկախությունը՝ Հալիծորը դարձնելով շարժման կենտրոնը, և կարողացան դիմանալ օսմանյան բազմապատիկ ուժերին: Դա հայ ժողովրդի ազատագրական պայքարի ամենապայծառ էջերից մեկն էր:

1728 թ. Դավիթ-Բեկի մահից հետո, ազատագրական մարտերը դլխավորում էր Մխիթար սպարապետը, որը սակայն շուտով դավադրության զոհ դարձավ: Դրանից հետո էլ ազատագրական մարտերը թուրք բռնակալների դեմ շարունակվեցին: Այդ մարտերը գլխավորում էին

աշխարհագրային խմբերի ղեկավարներ Այվագ-Բեկը, Մելիք-Ղուկասը և ուրիշներ: Նրանք միավորելով Ղափանի մի շարք աշխարհագրային խմբերի, քանիցս պարտության մատնեցին թուրքական զորքերին:

Ռազմական ակտիվ գործողություններն ու ազատագրական մարտերը չդադարեցին մինչև 1730 թ.: Նույնիսկ 1735 թ. ըմբոստությունները շարունակվում էին:

Հայ գյուղացիության ըմբոստացող խմբերին Այուրիքում, Արցախում եւ «Աղբրեջանում» հաճախ միանում էին նաև աղբրեջանական առանձին ռազմա-խմբեր:

Թուրքերը գրավված շրջաններում ծանր հարկային սիստեմ էին սահմանում: Աշխատավորությունը ենթարկվում էր ծանր հարստահարման և ունեզրկման: Նյութական բարիքների կողոպուտը կատարվում էր զինվորական ուժերի բիրտ ու անզուսպ կամայականության պայմաններում: Թուրքական իշխանությունները որոշ դեպքերում պաշտպանության տակ էին առնում հայ ֆեոդալների, մուլքադարների և էջմիածնի վանքի կալվածատիրական իրավունքները և դրանով ձգտում հնազանդեցնել նվաճված շրջանների աշխատավորությանը:

1732 թ. Ռեշտ քաղաքում ստորադրված ռուս-իրանական պայմանագրի համաձայն Ռուսաստանը, հեռանալով մերձկասպյան շրջաններից, դրանք հանձնեց Պարսկաստանին: Այդ ժամանակաշրջանի հայ ազատագրական ամենաաչքի ընկնող գործիչներից էր Գիզակի Մելիք-Եգանը, որը կարողացավ Ղարաբաղի ու այլ հայկական շրջանների համար որոշ ինքնուրույն եւ կիսանկախ վիճակ ստեղծել: Նրա ջանքերով հիմնվեցին Արցախի «Խամասյի մելիքությունները» Տոդ կենտրոնով:

1735 թ. հուլիսի 8-ին Եղվարդի մոտ տեղի ունեցած ճակատամարտում թուրքական զորքերը գլխովին ջախջախվեցին: Այստեղ մի շարք բարձրաստիճան փաշաների հետ միասին սպանվեց նաև սարսակար Աբդուլլա փաշան:

Բռնակալ Նադիր շահը, սիրաշահելով հայ իշխաններին ու հոգևորականությանը, նպատակ ուներ վերջ տալ հայ ժողովրդի ռուսական կողմնորոշմանը: 1737 թ. Նադիր շահը ներխուժեց Աֆղանստան և ապա Յնդկաստան, կողոպուտեց մեծ հարստություն: Բուն երկրում ծանր հարկերը, հարկահավաքները և ավատատերերի կամայականությունները զնալով ավելի էին ծանրացնում աշխատավոր գյուղացիության վիճակը:

Նադիր շահի սպանությունից հետո (1747) շուրջ հիսուն տարի տևած իշխանությունը և առանձին տիրակալների կամայականությունները երկիրը վերջնականապես հասցրին քայքայման : Ուժեղացան կենտրոնախույս ուժերը: Անդրկովկասում ստեղծվեցին անկախ իշխանություններ: Վրաստանում Քարթլին ու Կախեթը անկախանալով, 1762 թ. միավորվում են Հերակլի իշխանության տակ և շուտով ազդեցիկ դիրք գրավում Անդրկովկասում: Անկախացան նաև Երևանի, Նախիջևանի, Ղարաբաղի, Գյանջայի, Շամախիի, Բաքվի, Ղուլբայի և այլ խանություններ:

Անընդհատ ուժեղացող կամայականությունների և հալածանքների պայմաններում Երևանի խանը, դիմելով խարդախ միջոցների, հայերին ամբողջովին իրավազրկում է: Հայ իշխաններից Մելիք-Մանուշարը դառնում է Երեւանի խանի դավադրության զոհը: Երևանի հայերը դիմում են վրաց Հերակլ Բ-ի հովանավորությանը: Հայկական մի շարք գյուղերի բնակիչներ դադարում են Վրաստան և բնակություն հաստատում Գորիում, Սղնախում, Թիֆլիսում եւ այլ վայրերում:

Ստեղծված ծանր վիճակից դուրս գալու միակ ելքը Անդրկովկասի առաջավոր ստաժողները տեսնում էին Ռուսաստանի օգնության մեջ: Վրաց թագավոր Թեյմուրազ Բ-ը 1760 թ. մեկնում է Ռուսաստան: Ամենայն հայոց կաթողիկոս Հակոբ Շամախեցին 1760 թ. Ելիզավետա կայսրուհուն ուղղված կոնդակով խնդրում է ընդառաջել Թեյմուրազ թագավորի առաքելությանը,

Հայաստանն ու Վրաստանը փրկել ավերածություններից: Ուշագրավ է նաև հաջորդ կաթողիկոս Սիմեոն Երևանցու Եկատերինա Բ-ին ուղղված կոնդակը և կայսրուհու 1768 թ. հուլիսի 30-ի հրովարտակը, որով վերականգնվում էին էջմիածնի՝ ռուսահայերի նկատմամբ ունեցած նախկին իրավունքները: Կայսրուհին հատկապես նշում է, որ ռուսահայերը միշտ կնան ռուսական կայսրության հովանու ներքո: Այդ առթիվ Սիմեոն Երևանցին ռուսական կայսերական տան պատվին հայկական եկեղեցիներում հատուկ մաղթանք մտցրեց, որը կատարվում էր մոտ մեկուկես դար:

Հայ-ռուսական հարաբերությունների զարգացման այս նոր աստիճանում լայն թափ ստացան հայ ազատագրական շարժումները: Հատկապես ակտիվ գործունեություն ծավալեցին հնդկահայերը՝ Մադրասի, Կալկաթայի, Բոմբեյի, Հայդարաբադի, Դելիի և այլ քաղաքների հայկական գաղթօջախները: Հայերը «Արևելա-հնդկական ընկերության» հովանավորությամբ, մեծ ազդեցություն էին ձեռք բերել Յնդկաստանի և միջազգային առևտրի ասպարեզում: Սակայն XVIII դ. երկրորդ կեսին Յնդկաստանում անգլիական գաղութարարների դիրքերի ամրապնդման հետ մեկտեղ Եվրոպայի և հայ առևտրականների գործունեությունը սահմանափակվում է: Հայ առևտրականներն իրենց կապիտալն անգլիական ուժեղ մրցակցությունից փրկելու համար նոր շուկաներ են փնտրում: Նրանք ծրագրում են Հայաստանը օտար լծից ազատագրել և այն դարձնել իրենց տնտեսական և առևտրական գործունեության ասպարեզ: Յնդկահայերին հուզում էր հայ ժողովրդի հալածված ու ճնշված վիճակը: Նրանք ոգևորված էին Ղարաբաղի մելիքների և մյուս գործիչների ձեռնարկած ազատագրական պայքարով:

Այս շրջանի հայ ազատագրական շարժման նշանավոր գործիչներից էր հնդկահայ մեծ հայրենասեր Հովսեփ Էմինը: Նրա հայրը, որ ծագում էր Իրանի Համադան քաղաքից, հալածանքներից խուսափելով հեռացել էր Յնդկաստան և հիմնվել Կալկաթայում: Դեռ փոքր հասակից Էմինը մեծ հետաքրքրածությամբ ուսումնասիրում է Հայաստանի պատմությունը, ապա նվիրվում հայ ժողովրդի ազատագրման գործին: Նա մեկնում է Անգլիա, ապրելով ծանր պայմաններում, մտերմանում է մի շարք անկանավոր գործիչների հետ, լրջորեն տիրապետում հրետանային գործին, խորանում ամրոցաշինության ասպարեզում: Անգլիայի կառավարական շրջաններում նա հայերի ազատագրման հարցի շուրջը բանակցություններ է վարում, մինչև անգամ տեսակցում Անգլիայի վարչապետ Պիտտի հետ, բայց համոզվում է, որ Անգլիան ոչ մի շահագրգռվածություն չի ցուցաբերում հայկական պետականության վերականգնման գործում: Այս հանդամք նա 1759 թ. անցնում է Հայաստան, Երզրումում ու էջմիածնում հանդիպումներ է ունենում հայ գործիչների հետ: Անդրկովկասի վիճակին ծանոթանալով, նա վերանայում է հայ ժողովրդի ազատագրության իր ծրագիրը: Եթե մինչ այդ նա կարծում էր, որ միայն Ղարաբաղի և Վրաստանի ուժերով հնարավոր կլինի ապահովել հայրենիքի ազատագրությունը, ապա այժմ համոզվում է, որ առանց Ռուսաստանի աջակցության անհնար է հասնել այդ նպատակին: Նա սկսում է ռուսական արքունիքի հետ կապեր հաստատելու միջոցներ որոնել և շուտով 1761 թ., մեկնում է Լոնդոն, ուր ռուսական դեսպան իշխան Գոլիցինից ստանում է Ռուսաստան մեկնելու անցագիր և հանձնարարականներ:

Պետերբուրգում 1761 թ. աշնանը, Հովսեփ Էմինը հանդիպում է կոմս Ս. Ի. Վորոնցովին, որը գիտակցելով

Անդրկովկասի նշանակությունը Ռուսաստանի համար, հավանություն է տալիս էմինի ծրագրին: Այդ ծրագիրն արժանանում է նաև Եկատերինա Բ կայսրուհու հավանությանը: Ռուսական կառավարության հանձնարարականով էմինը 1763 թ. Մոսկվայի ու Աստրախանի վրայով մեկնում է Վրաստան. Մոսկվայում նրան է միանում իր ազգական, Մադրասի ապագա հայրենասիրական խմբակի անդամ, ծագումով Ղարաբաղցի Մովսես Բաղրամյանը: Աստրախանի և Յուսիսային Կովկասի հայերը մեծ խանդավառությամբ են ընդունում էմինին և խոստանամ օգնել նրա ծրագրի իրականացմանը: էմինը մեծ տպավորություն է թողնում նաև Չերակլ թագավորի վրա և նրա հանձնարարությամբ ձեռնանուխ է լինում վրաց գործի մեջ եվրոպական զինավարժություն մտցնելու գործին:

Հայ երիտասարդությունը, համոզված, որ հասել է ազատության ժամը, սկսում է համախմբվել էմինի շուրջը: Հաշվի առնելով հայ ազատագրական պայքարի դասերը, Հովսեփ էմինը կազմեց շարժման առավել հասուն ծրագիր, որի հիմքը պետք է հանդիսանար հայ-վրացական ուժերի համախմբումն ու համատեղ պայքարը: Արևելյան և արևմտյան հայությունը, վրաց ժողովրդի հետ միավորված, պետք է համընդհանուր ապստամբություն բարձրացներ և թոթափեր օտար բռնակալների լուծը, ստեղծեր հայ-վրացական պետություն՝ Ռուսաստանի հովանավորության ներքո:

Այս շրջանում սուլթանական կառավարությունն ուժեղացող տնտեսական անկումից ու քաղաքական ճգնաժամից թուրքիս դուրս բերելու ելքը շարունակում էր տեսնել ժողովրդին և հատկապես քրիստոնյաներին կողոպտելու մեջ: XVIII դ. երկրորդ կեսին երկրի ավազանին, կազիները, նայիբներն ու այլ պաշտոնյաներ հարկերի դիմաց «աղքատների ձեռքից խլում էին նրանց ունեցվածքը, վաճառել տալիս նրանց անասուններն ու կենդանիները...»:

Առավել ծանր էր հայ ժողովրդի վիճակը: Տնտեսական, քաղաքական և կրոնական հալածանքները նրա նկատմամբ հասել էին ծայր աստիճանի-ավատատերերի միջև մղվող կռիվները, ավազակային խմբերի հարձակումները, կենտրոնախույզ ուժերի դեմ կառավարական զորքերի ձեռնարկած արշավանքները ավերում ու անայացնում էին բնակավայրերը: Բնակչությունը ոչնչացվում կամ գերի էր տարվում: Հայերի արտագաղթը մասսայական բնույթ էր ստանում: Օրինակ, Մամազկերտի 350 հայկական գյուղերից XVIII դ. վերջին մնացել էին ընդամենը 20-ը:

XVIII դ. երկրորդ կեսից Արևմտյան Հայաստանի մի շարք լեռնային ամրոցներ և հատկապես Մուշի բերդերը դառնում են հայ ազատագրական շարժման կենտրոններ: Այդ գործում նշանակալից դեր էր խաղում ս. Կարապետ վանքի վանահայր Հովնանը, որի հետ կապ էր հաստատել և մեծ հույսեր էր կապում Հովսեփ էմինը: Վանահայրը ոչ առանց հիմքի վստահեցնում էր էմինին, որ արևմտահայերը պատրաստ են միանալու վրաց զորքերին:

Սակայն ստեղծված ներքին և արտաքին ոչ նպաստավոր պայմանների հետևանքով ձախողվեց Հովսեփ էմինի և Հովնանի նախապատրաստած ապստամբական ծրագիրը: Սիմեոն Երևանցին խորհուրդ է տալիս Չերակլին՝ էմինին հեռացնել Անդրկովկասից, գտնելով, որ նրա գործունեությունը նոր չարիքների առիթ կտա: Հովսեփ էմինը, հայրենիքի ազատագրման ներառմանը սրտում անթեղած, վերադառնում է Հնդկաստան:

Բայց հայկական շրջաններում ազատագրական խնդրումները շարունակվում էին:

Շար. 3

Անվանի մաթեմատիկոսը հեռացավ




Կյանքից հեռացավ անվանի մաթեմատիկոս, դպրոցական եւ ուսանողական օլիմպիական շարժման հիմնադիր, սիրված մանկավարժ ու եռանդուն քաղաքացի Գառնիկ Աղասու Տոնոյանը: Գառնիկ Տոնոյանը ծնվել է Երեւանում՝ 1936 թվականի հոկտեմբերի 29-ին: Լինելով օժտված աշակերտ՝ 6-րդ դասարանից տեղափոխվել է 10-րդ դասարան եւ եղել է այդ ուսումնական տարվա Շիրակի մարզի միակ ոսկե մեդալակիրը: Գերազանցությամբ ավարտելով ԵՊՀ ֆիզմաթ ֆակուլտետը՝ 1959 թ. ընդունվել է ասպիրանտուրա՝ ակադեմիկոս Ա. Շահինյանի գիտական ղեկավարությամբ: Փոխելով գիտական աշխատության թեման՝ 1972 թ. Մոսկվայում ստացել է մանկավարժական գիտությունների թեկնածուի գիտական աստիճան՝ հանրահայտ մաթեմատիկոսներ Ի. Մ. Յագլոմի եւ Վ. Գ. Բոլայանսկիի ղեկավարությամբ: 1978 թ. Մոսկվայում ստացել է դոցենտի կոչում: Ասպիրանտուրայի տարիներից մինչեւ 2004 թ. Գ. Տոնոյանը դասավանդել է մաթեմատիկական տարբեր առարկաներ: 2004 թ.-ից մինչ մահը աշխատում էր ԵՊՀ ռեկտորատում: Գ. Տոնոյանը մաթեմատիկայի, կենսաբանության, մաթեմատիկական փիլիսոփայության դասավանդման ոլորտում ավելի քան 50 գրքերի եւ 300 գիտական հոդվածների Ի-եղինակ է: 1988 թ.-ին հիմնադրել եւ խմբագրել է «Ինտեգրալ»

գիտահանրամատչելի բնագիտական հանդեսը: 2003 թ.-ից «Գիտելիք» պարբերականի գլխավոր խմբագիրն էր:

«Մաթեմատիկական դպրոցում», «Բնագետ», «Մաթեմատիկա պլուս» եւ այլ հանդեսների խմբագրական խորհուրդների անդամ էր:

Գ. Տոնոյանը մատչելի Աշխարհի ազգային մաթեմատիկական օլիմպիադաների ֆեդերացիայի (Ավստրալիա) անդամ էր, Աշխարհի տաղանդների որոնման միջազգային ֆեդերացիայի դատավորական ատյանի (ԱՄՆ) անդամ, Ամերիկյան մաթեմատիկական ընկերության անդամ, Գերմանիայի Յու. Լիբիխի անվան համալսարանին կից միջազգային մաթեմատիկական դիդակտիկայի ընկերության (Գերմանիա) անդամ, Միջազգային կենսագրական կենտրոնի (Անգլիա, Քեմբրիջ) գլխավոր տնօրենի տեղակալ:

Տարիներ շարունակ Գ. Տոնոյանը համամիութենական մրցանակաբաշխությունների հանձնաժողովի անդամ էր: 1996-2008թթ. իր ջանքերն ու եռանդն է ներդրել Հայաստանում մաթեմատիկական օլիմպիական շարժման եւ



դրա զարգացման համար: Ավելի քան 40 տարի եղել է Հայաստանի դպրոցականների հանրապետական օլիմպիադայի հանձնաժողովի նախագահը: Նա նաև բուհերի ուսանողների համար կազմակերպել է մաթեմատիկայի բազում օլիմպիադաներ՝ ինչպես ներկա, այնպես էլ Խորհրդային Հայաստանում:



Գ. Տոնոյանի գերնպատակը գիտելիքի տարածումն էր երիտասարդության շրջանում, ինչպես նաև տաղանդավոր երիտասարդների բացահայտումն ու նրանց աջակցումը: 1991-1999 թթ. նա Ա. Շիրակացա անվան մաթեմատիկական թեքումով երեկոյան դպրոցի հիմնադիր տնօրենն էր:

Գ. Տոնոյանը արժանացել է բազմաթիվ հեղինակավոր մրցանակների ել կառավարական պարգևների. ԽՍՀՄ Բարձրագույն և միջնակարգ կրթության նախարարության կողմից՝ «Պատվո վկայագիր» (1982), ՀԽՍՀ ժողովրդական կրթության մինիստրության կողմից՝ «Խաչատուր Աբովյանի հուշամեդալ» (1990), Հայաստանի կառավարության կողմից՝ հուշամեդալ (1993), ՀՀ կրթության և գիտության նախարարության Ոսկե հուշամեդալ՝ կրթության և գիտության ոլորտում ներդրած մեծագույն ավանդի համար (2000), Լեռնային Ղարաբաղի Հանրապետության անկախության 15-ամյակի հուշամեդալ (2006) և այլն:

Գ. Ա. Տոնոյանը ամուսնացած էր, ուներ երեք դուստր, մեկ որդի և մեկ թոռ:

Մտեր

Մեր անցած ճամբան

Թ. Ղարախանյան Սիրակցի

Հարգելի վարպետ Համոն նաև ասաց որ Ամերիկյան ընկերությունների մեծամեծների կանաչ իր հաճախորդն են և որոշներն էլ հայ մեծամեծեր են ու ինքը կարծում է առաջին մեկի հետ որ իմ մասին խոսի, պարոն Հրանդ Մինասյանի տիկինն էր լինելու: Վարպետ Համոն խոսելով պարոն Մինասյանի մասին պատմեց թե այն լավ Ջուդայի տղերքից է որ շատ օտար ջուղացիների նման Հնդկաստան է կրթվել և “Երկրաբանություն” մասնագիտության համար հնդակաստանից Անգլիա էր գնացել և այդքան հաջողությունից հետո վերադարձել էր Պարսկաստան: Վարպետ Համոն ասաց, որ շատ և շատ հայ անձնավորություններ մեծ պաշտոններ ունեն նոր բացած ընկերությունների մեջ և լավ մարդիկ են, օրինակի համար հենց այս պարոն Մինասյանն որքան օգտակար է գտնվում Ահվազ քաղաքի հայկական նորակառույց եկեղեցու, 6 դասարանոց դպրոցի նորոգումի և միության այլ աշխատանքների մեջ:

Երկար խոսք բացվեց Ահվազ քաղաքի լավ և հաջողակ և օգնող հայ մարկանց մասին օրինակ՝ ՆԷԳՐՈՅԻ “Negro” Վազգեն-ը որ հենց այդ անունով մեծ խանութ ուներ “24 Մեթրի” անունով փողոցի գլխին հարյուրավոր օտարազգիներ հատկապես ամերիկացի և եվրոպացիներ հաճախորդներով, կամ Մուկուչը (ԿԱԿԱԼ մականունով), որ Վազգենից մի քիչ հեռու գեղեցիկ նպարավաճառի կենտրոն ուներ կամ Մինասը (ՃԷԿԻ Մինաս մականունով) որ հսկա մեխանիկի կենտրոն ուներ “30 Մեթրի” անունով փողոցի

վրայ. այս անուններից բացի նորեկներ կային Հրանդ Մինասյանի նմաները և կամ Հովսեփը որ Օմիրդիյե քաղաղից էր տեղափոխվել և ձեռնբաց մարդ լինելով թե հայկական և թե պարսկական դպրոցներին էր օգնություն հասցնում: Ասենք թե ահվազ քաղաքում մինչև վեցերորդ հայկական դպրոց կար, որ մի քանի տարի առաջ էր սարքվել հենց այս տեղական ուժերով, բայց Նաֆտի ենկերության տեղափոխումը Մասչեդ-Մուլեյման, Աղաջարի, Օմիրդիյե պատճառ դարձավ օտար տեղերից դեպի Ահվազ քաղաք այնքան հայության թիվը շատացավ, որ եկեղեցու պակասը կար և վարչությունը որոշեց նոր եկեղեցի կառույցել: Այսբան կարելի է ասել որ այդ հին ու նոր եկող մարդկանցից հազիվ մի երկուսն էին կուսակցական: Հայապահպանման և ազգասիրական շունչն ու հոգին այնքան պարզ ու նկատելի էր որ միայն կարելի է ասեն **ՈՍԿԻ ՍԵՐՈՒՆԳ**: Մի օտար բան էլ նկատելի էր որ այդքան մեծ թվով նորեկ հայեր եկան և փոխադրվեցին Ահվազ քաղաք, բայց Աբադան քաղաքից մատահաշիվ ընտանիքներ փոխադրվեցին Ահվազ քաղաք. Աբադանի Նաֆտային հայ և պարսիկ աշխատատուները շատերը ավելի կրթված լինելով փոխադրվեցին մայրաքաղաք Թեհրան, Նաֆտային Ընկերության տնօրինության կենտրոն:

Ցավակցական

Այսու մեր խորին վշտակցությունն ենք հայտնում սիրելի Լուսինե Տոնոյան՝ Սիրակիին և Արնո Սիրակիին իրենց կրած ծանր և անփոխարինելի կորստի՝

Պրոֆ. Գառնիկ Տոնոյանի

ցավալի մահվան կապակցությամբ:

Լույս-ի խմբագրություն

Ցավակցական

Այսու մեր խորին վշտակցությունն ենք հայտնում սիրելի Թամ և Ալվարդ Սիրակիներին իրենց կրած ծանր և անփոխարինելի կորստի՝

Պրոֆ. Գառնիկ Տոնոյանի

ցավալի մահվան կապակցությամբ:

Լույս-ի խմբագրություն



Վանիկ Բաղդասարյան